

**Basmi rasuah: S'gor wajib kontrak persetujuan integriti**  
**Malaysiakini.com**  
**June 29, 2010**

Syarikat yang berurusan dengan anak syarikat kerajaan negeri Selangor, akan diwajibkan menandatangani kontrak persetujuan integriti, kata Menteri Besar, Tan Sri Khalid Ibrahim.

Katanya, langkah itu akan dimulakan dengan pelanggan Kumpulan Semeste Sdn Bhd, yang dimiliki sepenuhnya oleh Perbadanan Menteri Besar.

"Ini bermakna, semua peserta tender yang bersaing untuk memenangi kontrak perlombongan pasir dengan KSSB diminta untuk menandatangani persetujuan integriti.

"(Ini) untuk memastikan ketelusan dan kebertanggungjawaban dalam aktiviti perniagaan mereka," katanya dalam sidang media hari ini.

Tambahnya, perjanjian itu bagi memastikan semua pihak yang menandatangani tidak melakukan rasuah.

"Kerajaan negeri akan bekerja sama dengan Transparency International yang telah bersetuju untuk membimbing dan memberi nasihat kepada KSSB dalam merangka, menandatangani dan melaksanakan Integrity Pact.

Syarikat yang berurusan dengan anak syarikat kerajaan negeri Selangor, akan diwajibkan menandatangani kontrak persetujuan integriti, kata Menteri Besar, Tan Sri Khalid Ibrahim.

Katanya, langkah itu akan dimulakan dengan pelanggan Kumpulan Semesta Sdn Bhd, yang dimiliki sepenuhnya oleh Perbadanan Menteri Besar.

"Ini bermakna, semua peserta tender yang bersaing untuk memenangi kontrak perlombongan pasir dengan KSSB diminta untuk menandatangani persetujuan integriti.

"(Ini) untuk memastikan ketelusan dan kebertanggungjawaban dalam aktiviti perniagaan mereka," katanya dalam sidang media hari ini.

Tambahnya, perjanjian itu bagi memastikan semua pihak yang menandatangani tidak melakukan rasuah.

Kerajaan negeri, kata Khalid, akan bekerja sama dengan Transparency International yang telah bersetuju untuk membimbing dan memberi nasihat kepada KSSB dalam merangka, menandatangani dan melaksanakannya.

"Kerajaan negeri akan membawa keputusan ini kepada ahli lembaga pengarah KSSB untuk dilaksanakan serta merta," tambahnya selepas mempengerusikan mesyuarat exco Selangor hari ini.

Khalid berkata, kerajaan negeri berharap perjanjian tersebut dapat diterapkan dalam projek dan jabatan kerajaan yang lain.

Tambahnya lagi, perjanjian tersebut juga akan menunjukkan komitmen kerajaan Selangor dalam menjamin ketelusan dan kebertanggungjawaban pentadbirannya.

Copyright © 1999-2007 Mkini Dotcom Sdn. Bhd.  
Source : <http://www.malysiakini.com/news/135913>